


无上玄元三天玉堂大法卷之十六 同一

濟度幽冥品第十八

師曰濟度幽冥乃以真而覺妄也凡人生則迷真死則失真一真既失妄想從生現諸苦報聖師立教無他專以真而覺妄也蓋人心迷失真元而入幽境雖千聖亦難着力惟能運一真破一妄使癡魂於清淨了然脫去苦境不有牽牽此乃不失太上慈悲立教之初意若學者不能會悟于此徒泥文檄為行遺持威儀為功德終夜誣吟盡日勞頓必竟亡者無益今立濟度一品庶幾專志於幽冥不敢着外之役也及夫心境開澄性天朗朗此真之外斷無他說使幽沉得離苦趣其功德莫可量也

師曰六甲者甲子甲寅甲辰甲午甲申甲戌也甲為東方生炁為好生大仁故南方火鍊西方金剛北方水塞四維皆非正炁故魂爽非得六甲之神布列八方則未見生生之真難到壇所故今大教先以六甲使者開導

六甲開導符



右符告下九泉幽路鬼趣昏冥三光開晦六

甲通陰魂奉赦覩見光明靈司勿隱金馬驛程一如告命風火驛傳


太歲年 月 日吉時告下

師曰六甲開導符乃通津幽塗之恩信也法當於未召攝以前告下係用黃紙朱書

封角發遣

師曰悲夫世人昧昧不悟生前心術熾嶮死則冥途自然阻遏不假太上慈光未能通達壇所須得此符則幽途光明冥路坦夷亡魂無險阻之虞矣

赤明三光開通冥路真符



右符告下泰山沿路山界水界空界神祇主者疾速開通冥路啓迪幽程迎導亡過某人形魂速隨符光所照善達壇庭勿阻勿遏魂識安寧有違律令罰及無停一如告命風火驛傳

太歲年 月 日吉時告下

師曰此開通冥路符命法用青紙朱書摺角封印就壇於未召攝之先師導亡魂得此則幽路善達無阻矣

存變法

凡開通冥路先在運自己三光合天之三光自然朗照冥路光明無拘滯之患但見魂爽在光明之中俱不見別色次存太一慈尊執空青楊柳枝遍洒冥境靜默存思

呪曰


三光朗朗九幽冥冥夜靈開澄晨曦清明瞻慈尊相甘露泠泠魂爽歸來善達幽程聞經聽法逍遙上清

沐浴法

師曰塵勞汨沒世人之所以心垢未清也

不特心垢凡六用皆有塵六塵皆有識六識皆有垢是故死則沉淪猶在污泥中不能自清淨今吾之沐浴非謂有識而洗滌也蓋幽魂罪垢痴蒙亦猶身之有垢膩故吾以清淨慈悲法水一滴一洒一霑一洗之頃心清而魄全罪消而垢滅此之謂沐浴也


仙人蕩尸符



呪曰

華池灌育形魂一清六塵無垢業垢俱澄三田充滿九戶開明沐浴生根死魂返嬰急急如律令

靈源灌溉玉符




三三三三三

呪曰

香雲凝露滴洒清冷天源玄波霑溉幽冥尸垢已靜業塵頓清灌煉諸妄刮蕩無明三魂返真枯朽成形出入虛無往來杳冥罪垢無際萬劫塵清急急如律令

蕩濯塵勞符



呪曰

天垢為雲三光掃清人垢六塵法語蕩情地垢尸穢法水澄清人垢不生尸垢清平地垢消蕩萬仙齊并三炁交映與道合真急急如律令

天醫全形法

師曰鬼爽無形散亂不聚如風中寓燕無定形也然其妄念尚存凡生前痒病疾痛死則尚執迷而受苦也不假全形之法則


形魂零亂不能聚而成形是故疾病而死者以消磨其魂不能全也傷害而死者損亂其魂而不復全也兵刃死者散離其魂不能全也故太上慈悲立天醫全形之法

三部八景通真符

幽精 中理 無妄物物 太一煉氣
台光 五炁 公子說就 純陽月輪



天醫符吏治病真元符



呪曰

天炁澄清地景開明九寶列備三關敷榮陰

尸返質真炁常清重陰回陽以柔返剛摧破
六洞散蕩七陰真景內守魄尸返形九老祖
炁仙化成人急急如律令

監生蕩穢法

師曰血湖業債端由女人欲熾寃深鬱結
而成報對也然而穢腥未靜尤未忘生前
之念也故其冥魂仍前疼痛或子母未分
或血尸未淨非憑法力曷使超凌故此特
備救產亡之法


蕩血湖穢腥符



呪曰

九天大梵三洞飛玄解汝胎結宣通胞原業
緣皆斷死根解寃血湖清淨穢吏無專元君
復形司馬監生八景已具十月胎圓急急如
太上律令

返形分胎符



呪曰

九老仙都玉光結真胎結自解死魂返嬰監
生大神分生童君隨符降炁斬斷死根消除
罪垢子母分形蕩腥淋穢末觀玉庭承符受
煉超度朱陵急急如律令


遷神旛符

上持日君呪揚起存
轉日麗天光撒泉曲




迴黃旛符

用月引月
揚時運自己
上月君呪之揚起存
月光在天光照幽夜



師曰遷神通幽以絳緋為之以象日也迴
黃開度以黃緋為之以象月也各長一丈
二尺

三光普供天厨符



呪曰

三界六道中常生妄想飢三光結靈秀法食
資甘肥上極諸天神下及鐵泥犁一食普供
養欣然達希夷

无上玄元三天玉堂大法卷之十六